

29-07-2026

खबरां

- लोकसभ नै सार्वजनिक परीक्षा संशोधन विधेयक-2026 पारित कीता। सरकार दा आखना ऐ जे विधेयक दा मकसद परीक्षा प्रणाली च छात्रों दा विश्वास मजबूत करना ऐ।
- राज्यसभा नै राश्ट्री सम्मान दे अपमान दी रोकथाम (संशोधन) विधेयक 2026 पारित कीता।
- गृह मंत्री अमित शाह होरें असम च हाड राहत प्रयासें दी समीक्षा कीती।
- भारत नै होमूर्ज जलडमरूमध्य च केई समुंद्री ज्हाजें पर हाल च गै होए दे हमलें दी कड़ी निंदेआ कीती।
- पाकिस्तानी सेना आसेआ कीती गेदी क्रूर कार्रवाई दे बाद पाकिस्तान दे नजैज कब्जे ओहले जम्मू-कश्मीर च मरीने आहलें दी गिनतरी 40 धोड़ी पुज्जी गेई ऐ।
- अज्ज अंतरराश्ट्री बाघ दिवस 2026 मनाया जा'रदा ऐ।

<><><><><><>

LS-Exam Bill Passed

लोकसभा नै अज्ज लोक परीक्षा अनुचित साधन रोकथाम संशोधन विधेयक 2026 पारित करी दित्ता ऐ। इस विधेयक कन्नै लोक परीक्षा अनुचित साधन रोकथाम अधिनियम 2024 च संशोधन कीता गेआ ऐ। इस विधेयक च 10 बरें धोड़ी दे जेल, 10 करोड़ रुपे धोड़ी दा जुर्माना ते दोषी अपराधियों दी संपत्ति जब्त करने जनेय कड़े दंड दे प्रावधान शामिल न। मामलें दे तौले निपटारे लेई विधेयक च हर राज्य सरकार ते केंद्र शासित प्रदेश गी दैनिक सुनवाई लेई विशेष फास्ट ट्रैक कोर्ट स्थापित करने दा आदेश दित्ता गेआ ऐ। इस च एहू बी प्रावधान ऐ जे अपराधों दी जांच पुलिस थाने च सूचना दर्ज होने दी तरीक थमां 2 महीने दे अंदर पूरी कीती जानी लोड़चदी। मुकद्दमे दी सुनवाई आरोप पत्र दाखिल होने दी तरीक थमां त्रै महीने दे अंदर पूरी होनी लोड़चदी ऐ। विधेयक पर चर्चा कदा जवाब दिंदे होई कार्मिक, लोक शकैत ते राज्यमंत्री डा. जितेंद्र सिंह होरें आखेआ जे विधेयक च संशोधन कनून गी होर मता सख्त बनाने ते तौले न्याय दोआने लेई कीता गेआ ऐ। उनें आखेआ जे विपक्ष दे नेता राहुल गांधी आसेआ संसदीय भाषा दा इस्तेमाल करने दी बी आलोचना करदे होई इसी अनुचित ते मन्दे भागें आहली गल्ल दस्सी।

<><><><><><>

R.S. National Award

राज्यसभा च राश्ट्री सम्मान दे अपमान दी रोकथाम सरबन्धी तरमीमी बिल-2026 पर बचार करने ते इसी पास करोआने लेई अज्ज चर्चा शुरू होई। गृह राज्यमंत्री नित्यानंद राय होरें राश्ट्री सम्मान दे अपमान दी रोकथाम सरबन्धी 1971 आहले मनून च होर बी बदलाव ते तरमीमां करने लेई एहू बिल सदन च पेश कीता ऐ। इस विधेयक दा उद्देश्य भारत दे राश्ट्री गीत “वंदे मातरम” गी राश्ट्रगान “जन

गन मन” दे बरोबर वैधानिक संरक्षण प्रदान करना ऐ ते इस सरबन्धी अपराधें लेई 3 बरें धोड़ी दी कैद, जर्मानाजा दौनें दी सजा होई सकदी ऐ। चर्चा दी शुरूआत करदे होई बीजेपी दे सांसद डा. राधा मोहन दास अग्रवाल होरें आखेआ ऐ कि पिछले 123 बरें च वंदे मातरम दा अपमान कीता जंदा रेहा ऐ। उनें आखेआ कि इसै गीत कोला प्रेरित होइयै देश दे क्रांतिकारिणें भारत माता गी गलामी दिणें बेड़िणें शा मुक्ति दोआने लेई अपनी जिंदू दा बलिदान तगर देई दित्ता। डा. अग्रवाल होरें आरोप लाया कि 1923 च कांग्रेस दे अधिवेशन दुरान उस बेल्ले दे कांग्रेस अध्यक्ष होरें बी वंदे मातरम अपमान कीता हा।

<><><><><><>

Rijju-Congress

संसदीय कार्य मंत्री किरण रिजजू होरें संसद च चर्चा दुरान कांग्रेस दे सांसदें पर लोक परीक्षा अनुचित साधन निवारण, संशोधन विधेयक 2026 दे प्रावधानें पर चर्चा नेई करने ते सदन च बक्ख-बक्ख राजनीतिक मुद्दे पुट्टने दा आरोप लाया। उनें आखेआ जे एहू विधेयक विद्यार्थियों दी चैंताएं ते उंदी मंगें दे जवाब च पेश कीता गेआ ऐ।

<><><><><><>

HM

केंद्री गृह मंत्री अमित शाह होरें असम दे मुखमंत्री डा. हिमंता बिसवा सर्मा हुंदे नै गल्लबात कीती ते उप्परी असम च आई दी भीषण हाड़ दे मद्देनजर जारी राहत कम्में दी समीक्षा कीती। सोशल मीडिया पोस्ट च डा. सर्मा ोरें दस्सेआ जे श्री शाह नै जमीनी स्थिति दा जायजा लैता ते आश्वासन दित्ता जे केंद्र सरकार हाड़ प्रभावित क्षेत्रें च रहात, पुर्नस्थापन ते पुननिर्माण लेई सब्बै जरूरी सहायता प्रदान करदी रौहगा। मुखमंत्री होरें आखेआ जे केंद्री गृह मंत्री होरें दोहराया जे इस कठिन समें च केंद्र सरकार दी सब्बै एजेंसियां ते संसाधन असम दे लोकें दी मदद लेई तैयार ऐ।

<><><><><><>

India-Hormuz

भारत नै होमुर्ज जलडमरूमध्य च हाल च होई दी कई समुंद्री जहाजें पर हमलें दी कड़ी ंदिआ कीती ऐ। भारत नै आखेआ जे इस क्षेत्र च वाणिज्यिक जहाजें ते नागरिक बुनियादी ढांचें गी निशाना बनाए जाने दी घटनाएं पर तुरत रोक लगनी चाइदी ऐ। संयुक्त राष्ट्र च भारत दे स्थाई प्रतिनिधि परवथनेनी हरीष होरें आखेआ जे पच्छिम एशिया च हमलें दी फही थमां शुरू होना चैंता आह्ला विशे ऐ। उनें आखेआ जे अंतरराष्ट्री समुंद्री मार्गें पर नौवहन ते बपारिक स्वतंत्रता तौलें बहाल कीती जानी लोड़चदी।

<><><><><><>

PM-Janbhagidari

प्रधानमंत्री नरेंद्र मोदी होर औंदी 2 अगस्त गी नशामुकत युवा फार विकसित भारत संकल्प अभियान दा शुभारम्भ करडन जेहड़ा नशाखोरी दे खलाफ 100 हफ्तें दा इक राष्ट्रव्यापी जनभागीदारी आंदोलन ऐ। इस अभियान दी अगुवाई माई भारत प्लेटफार्म आसेआ कीती जाहग जेहड़ा कि आनलाइन युवा नेतृत्व ते सामाजिक सहभागिता मंच ऐ। इस मंच दा उद्देश्य नौजवानें गी सशक्त

बनाना ते उनेंगी नेतृत्व करने आह्ला बनाने गितै प्रेरित करना ऐ। इस पैहल दा लक्ष्य जागरूकता, समुदायिक सहभागिता ते निरंतर जनभागीदारी गी बढावा दिंदे होई नशामुक्त भारत दे निर्माण लेई नौजवानें गी इक सामूहिक राश्ट्री मिशन कन्नै जोड़ना ऐ।

<><><><><><>

POJK-Deaths

पाकिस्तान दे नजैज कब्जे आहले जम्मू-कश्मीर च अशांति उप्परोतली बधदी जा करदी ऐ जेहदे चलदे जम्मू-कश्मीर च मनुक्खी अधिकारें पर तक्क रखने आहली इक संस्था नै संयुक्त राश्ट्र मानवाधिकार उच्चायोग अगगे इस मामले च दखल देने दी अपील कीती ऐ। एह अपील उनें खबरें दे सामने औने दे बाद कीती गई ऐ जिंदे च दस्सेआ गेआ हा कि पी.ओ.जे.के च पाकिस्तानी सुरक्षाबलें दी कार्रवाई च घटोघट्ट 40 प्रदर्शनकारी मारे गे न ते दर्जनें साब्वै घायल होई गेदे न। जम्मू-कश्मीर मानवाधिकार निगरानी संस्था नै संयुक्त राश्ट्र मानवाधिकार उच्चायुक्त वोल्कर तर्क होरें गी भेजी दी इक चिट्ठी च कीती गेदी अपील च आखेआ गेदा ऐ कि एह घटना 27 जुलाई गी संयुक्त अवामी एक्शन कमेटी-जे.ए.ए.सी आसेआ आयोजित शांतिपूर्ण मार्च दे रावलाकोट थमां मजप्फराबाद बक्खी परतियै शुरू होने दे बाद होई ऐ। तोआई संयुक्त राश्ट्र मानवाधिकार उच्चायोग दे प्रवक्ता जेरेमी लारेस नै जारी इक बयान च आखेआ ऐ कि कुसै नागरिक, समाजी संगठनगी अपराधी घोशत करना ते शांतिपूर्ण सभाएं पर प्रतिबंध लाना अभिव्यक्ति दी आजादी, संगठन बनाने ते शांतिपूर्ण सभा करने दे अधिकार दी खलाफवर्जी ऐ।

<><><><><><>

International Tigers Day

बाघें दे संरक्षण दे प्रति जागरूकता बढ़ाने, प्राकृतिक आवासों दी रक्षा करने ते बाघें दी घटती संख्या दी रोकथाम लेई अज्ज विश्व भर च अंतरराश्ट्री बाघ दिवस मनाया जा'रदा ऐ। प्रधानमंत्री नरेंद्र मोदी होरें शुभकामनां दिंदे होई आखेआ जे वैश्विक बाघ आबादी दा 70 फीसद हिस्सा भारत च स्थित ऐ। उनें आखेआ जे भारत दे बाघ संरक्षण प्रयासद प्रकृति दे कन्नै सामंजस्य स्थापित करने दी सदियें परानी संस्कृति कन्नै प्रेरित ऐ।

<><><><><><>

ONOE-JPC Extension

लोकसभा नै एक राश्ट्र एक चुनाव कन्नै सरबन्धत विधेयक दी जांच करा'रदी संयुक्त संसदीय समिति जेपीसी दा कार्यकाल संसद दे शीतकालीन सत्र 2026 दे अखीरी सप्ताह दे पैहले दिन धोड़ी बढ़ाई दित्ता ऐ। समिति दे अध्यक्ष ते भारती जनता पार्टी दे सांसद पी.पी चौधरी होरें संविधान (129मां संशोधन) विधेयक, 2024 ते केंद्र शासित प्रदेश कनून संशोधन विधेयक 2024 दी समीक्षा करा'रदी संयुक्त संसदीय समिति दा कार्यकाल बढ़ाने दा प्रस्ताव सदन च पेश कीता।

<><><><><><>

Weather

भारती मौसम विभाग नै छत्तीसगढ़, पूर्वी मध्य प्रदेश ते विदर्भ च अज्ज मौलेधार बरखा ते किश थाहें पर मती तेज बरखा दी मेद बुज्झी ऐ। मौसम विभाग नै आखेआ जे अरूणाचल प्रदेश, असम, मेघालय, दिल्ली, कोंकण, गोवा, केरला ते माहे च कल धोड़ी तेज बरखा होई सकदी ऐ।

<><><><><><>

SC-Manmohan Singh Case

सुप्रीम कोर्ट नै कोयला ब्लाक आवंटन मामले च साबका प्रधानमंत्री मनमोहन सिंह हुंदे खलाफ जारी अपराधिक मामले गी अज्ज बंद करी दित्ता ऐ ते उंदे खलाफ जारी समन आदेश गी बी रद्द करी दित्ता ऐ। मुख्ख न्याधीश सूर्यकांत, न्यामूर्ति जायमाल्य बागची ते वी मोहन हुंदी पीठ नै केंद्री अन्वेषण ब्यूरो दी अखीरी रिपोर्ट गी स्वीकार कीता ते साबका प्रधानमंत्री ते होरनें लोकें गी बरी कीता।

<><><><><><>